



Inatsisartut

Aningaasaqarnermut Akileraartarnermullu

Ataatsimiititaliaq

Finans- og Skatteudvalget

Ulloq/Dato:

27. august 2012

J.nr.:

01.31.06/12-00592

Aningaasaqarnermut Naalakkersuisoq

Aningaasaqarnermut Ataatsimiititaliap suliaq nr. 01.31.06/12-00592 pillugu tallimanngornermi ulloq 24. august 2012-imi aalajangiineranik Naalakkersuisunut ilisimatitsineq.

Ilinniartut inaannik attartornermut ilassutitut aningaasaliissuteqarnissaq

Naalakkersuisut **inassutigaa**,

- kontomi pingaarnermi 40.91.03-mi, Pikkorissartitsinermit tunngasumi, aningaasaliissutit 2.500.000 kr.-inik ikilineqassasut, aamma
- kontomi pingaarnermi 40.02.01-imi, Ilinniagaqarnerisuteqartitsivimmi aqutsinermit aamma Ilinniartut Ineqarfiisa Allaffeqarfiannut tunngasumi, aningaasaliissutit 2.500.000 kr.-inik amerlineqassasut.

Aningaasaqarnermut Ataatsimiititaliap oqaaseqaatai

2012-imi ilinniarnert aallartinnerannut atatillugu ilinniartussanut inissianik attartornissaq siunertaralugu ilassutitut aningaasaliissuteqarnissap Aningaasaqarnermut Ataatsimiititaliamit akuerineqarnissaa Naalakkersuisut suliami matumani qinnutigaat.

Ilinniartut ilinniagaqalernissaannik annertuumik suliniutiginninneq eqqarsaatigalugu ilinniartut inaannik pisariaqartitsinerup annertuseriarnissaa tupaallaatissaasariaqanngitsoq Aningaasaqarnermut Ataatsimiititaliamit oqaatigineqassaaq. Ilinniartut amerlinerisa qularnanngilluinnartumik kingunerisussaavaa ilinniartut inaasa amerlanerit pisariaqartinneqalernerat, tamannalu ukiut arlallit ingerlaneranni ataatsimiititaliamit aamma erseqqissaatigineqartarsimavoq.

Tamatuma saniatigut suliaq una aallaavigalugu ilinniartut inaannik ingerlatsivik 2013-imi aningaasanut inatsimmi aningaasanik naammattumik immikkoortitsiffigineqarsimanersoq ataatsimiititaliap isumaliutigisariaqarpaa. Tamanna pillugu Naalakkersuisut paasissutisseeqquneqarput.

Kiisalu missingersuusionermit malittarisassani 2008-meersuni aalajangersakkat naapertorlugit tusarniaaneq pillugu immikkoortoq suliarineqarsimanngitsoq ataatsimiititaliamit maluginiarneqarpoq. Malittarisassani immikkoortumi 4.3-mi ima allassimavoq:

”Naalakkersuisut isummernissaannut tunngavissiami allanneqassaaq isummernissamut tunngavissiaq Aningaasaqarnermut Nunanullu allanut Naalakkersuisoqarfimmi kiisalu naalakkersuisoqarfinni allani tusarniutigineqarsimasoq oqaaseqaatillu naleqqussarlugit ilanngunneqarsimasut.”

Isummernissamat tunngavissiami taamaallaat ima allassimavoq ”*Inassuteqaat Aningaasaqarnermut Naalackersuisoqarfimmut tusarniaassutigineqarnikuvoq*”. Takuneqarsinnaasutut ilaatigut inassuteqaatit marluupput, tamatumalu saniatigut tusarniaanermut akissut ilanngunneqarsimanersoq allassimangilaq.

Isummernissamat tunngavissiami maleruagassanik ersarissumik malinnissimanginnerup Aningaasaqarnermut Naalackersuisoqarfimmi Naalackersuisulluunnit K-gruppiani paasineqarsimangimmat ataatsimiititaliamit assorsuaq tupigusuutigineqarpoq.

Taamaattumillu isummernissamat tunngavissiap Aningaasaqarnermut Naalackersuisoqarfimmut tusarniaassutigineqarsimanera aammalu tusarniaanermut akissutip isummernissamat tunngavissiamut ilanngunneqarsimanera **tunngavissaatillugu** isummernissamat tunngavissiaq ataatsimiititaliamit aatsaat akuerineqarsinnaavoq. Tamanna misissuiffigiumallugu Naalackersuisoqarfiup tusarniaanermut akissutaata ullulikkap assilinerallakkanut ukununga Naalackersuisut akissutaannut ilanngullugu nassiunneqassasok kissaatigineqarpoq.

Aningaasaqarnermut Ataatsimiititaliap aalajangiinera

Siuliani allassimasutut paasinnilluni siulianilu allassimasut **tunngavissaatillugit** inassuteqaatit Aningaasaqarnermut Ataatsimiititaliamit **akuerineqarput**. Oqaaseqaatinut siuliani allassimasunut Naalackersuisut akissutaat allakkat uku tigunerannit sapaatit akunneri pingasut qaangiutsinnagit kalaallisut danskisullu nassiateqquneqarput assilinerallu qarasaasiakkut uunga nassiunneqarluni: nch@ina.gl.

Aningaasaqarnermut Ataatsimiititaliaq sinnerlugu

Andreas Uldum
Siulittaasoq